

कलौ हरिकीर्तनं

जिह्वां लब्ध्वाऽपि यः कृष्णं
कीर्तनीयं नकीर्तयेत् ।
लब्ध्वाऽपि मोक्षनि श्रेणिं
सनारोहति दुर्मति ॥

नेपाल भाषा कृष्ण भजन

(दश अवतार स्तुतिनापै)



पिकाहा
श्रीमती विन्दिरा
राजोपाध्याय

ग्वहाली ÷ न्यातका जक
ह्लापांगु संस्करण ÷ द्वःछि

च्वमि व लय् तःहा
सूर्यचन्द्रानन्द राजोपाध्याय

१६/६३ किसिचुक, पुञ्चली, यल

फोन : ५२७१७३


जिगु धापू

ध्वर्या ह्लापा अभ्यर्थना व निवेदनम् नाँतया नेपाल भाषाँ न्यिगु भजन-कीर्तन सफुचा पिकयाभले ब्वँमिपिसँ हानँ मेमेगुनँ पिकायगुयासा ज्यू धैगु विचा प्वंकूगुलि जित थ्व सफूचा पिकायगु मन जुल । अले श्री परब्रह्म प्रभू कया बिज्यागु दशअवतार स्तुति हिन्दि भायूँ जक हालेगु दुगुलि नेपाल भाषायूँ स्तुतियाय् दय्मा धैगु मनँ खंगुलि थ्व सफूचाय् व स्तुतिनँ तया पिकयागु जुल ।

थ्व सफुली द्वंगु व स्यंगु छुँ दुसा ब्वँमि भाजु मय्जु पिसँ सुधारयाना व्वलंका लिपा पिकायगुलि शुद्ध याकेगु लिधँसा बिया बिज्याइ बियादिइ धैगु जि मनँ तुना च्वना । अले थ्व सफूचा च्वेगु साहुति बिया जितः न्ह्यगवाकुपि सकसित व मेमेगु ग्वालिविया सफूचा पिकायगु लागि बः बिया बिज्यापि व बिया दिइपितः जिगु दु-नुगलँनिसँ आभार व्यक्त याये ।

भजन कीर्तन-रसे मनदुपि भक्तजन तसे थ्व सफूचा पाखें भक्ति-रसनँ काय् फै धैगु मनँतुनाँ फुक्क सिया जये जये ज्वीमा धैगुनँ मनँ तुना च्वनागु खँ नँ प्वंकागु जुल ।

चवमि :



स्वर्गीय पिता श्री हरिभक्तानन्द राजोपाध्यायया
लुमन्ती थ्व सफूचा समर्पण यानागु जुल ।

चवमि :

जन्म जुल

जन्म जुल कृष्ण जन्म जुल ।
देवकी-बसुदेव प्रशन्न जुल ॥१॥

चाह्य जूसां जेल तुइया वल ।
पाःचवैपिं फुक्क ल्हयलं व्वात ॥
स्वर्ग स्वांवा गायका हल ॥१॥

ज्वना शङ्ख चक्र गदा पद्म ।
पुया किरीट मुकूटनं ॥
ल्हय्छ्वा जुया दर्शन बिल ॥२॥

देवता फुक्क अन थ्यन ।
अनेअनेगु स्तुति यात ॥
खुशी जुया अले लिहां जाल ॥३॥

यशोदायाथाय् यंकि जित ।
कन्या कयाहि चवैह्य अन ॥
धया थुलि मचाजुया क्यन ॥४॥

नमो नमो जिगु

जय वासुदेव, देवकीनन्दन !

कंस विनाशक हे यदुनन्दन !!

नमो नमो जिगु नमो नमो जिगु ॥ध्रु॥

मनुष्येथे प्रभु जगे चवना ।

शर्वरी-माया त्रि-गुण दया ॥

मनूँथे भोग याना ।

भवे चवनादिल खुशी जुया ॥१॥

न दु ज्ञान जिके न दु भक्ति ।

न प्रेम-सुधा न दु शक्ति ॥

प्रभु छह्य जक शरण खना ।

मानस-रथ जि चले याना ॥२॥

याय्मफु भक्ति मने तया ।

दुःखसागर श्व खना ग्याना ॥

दया दृष्टि छि तया बिज्याहुँ

करुणा तया जितः स्वया बिज्याहुँ ॥३॥



नुगले च्वनादिसँ

मुसुमुसु हिला कृष्ण, जिमि हृदये च्वनादिसँ । धु ॥

धोति पिताम्बर चिना ।

हृय्खापाया मट्कपुया ॥

बुलुंबुलु जिमथाय् झाया ।

जिमि नुगले च्वनादिसँ ॥१॥

त्रिभंगीया रूप कयना ।

नुग : होक बंशी पुया ॥

शुरु शुरु पला छिना ।

जिमि नुगले च्वनादिसँ ॥२॥

देह जिमि पानातया ।

छितः हे अर्पणयाना ॥

टुकुटुकु पला न्हाका ।

जिमि नुगले च्वनादिसँ ॥३॥

हिवक हिवक खवया च्वना ।

छिगुहे रूप लुमंका ॥

हुँहुँहुँ खवया च्वना ।

झाया नुगले च्वनादिसँ ॥४॥



दर्शन याय् नु

नूरेनून् दर्शन याय् नु ।

खला कृष्ण भागु ॥धु॥

हालहाल झंगः पंछित बोया ।

झाल झाल कृष्ण धाधाँ ॥

मजिल मजिल चवने थन मजिल ।

याकनँ झी वने माल ॥१॥

भमोत व्वल भूँ भूँ यायाँ ।

कृष्णया रूप खना ।

स्वांत ह्वल मुसुमुसु न्ह्याला ।

छाय् यंकी जिमित धया ॥२॥

पूर्वपाखेँ सुद्योँ लुल न्हि ।

कृष्ण हे दर्शन याय् तः ॥

न्ह्याकि न्ह्याकि पला न्ह्याकि ।

हृदयेश्वर कृष्ण स्वेतः ॥३॥

वल वल राधा पासापि मुंका ।

झी जक थथे चवनेला ॥

झः झः धाय् का झीनँ वनेनु ।

कृष्णया दर्शन याय् नु ॥४॥



कृष्णजु तना वन

मखुते जुल अहो ... मखुते जुल ।

कृष्णजु थन तना वन ॥

माला जुयानँ गनँ मखँ ।

स्वया जुयानँ खँहे मखँ ॥धु॥

हेकल हेकल अले वँ खेकल ।

हानँ बँला मात्तु माय्कल ॥

देहे मखुला व बैहे मखुला !

सापहे हाय्कल हाकु खानँ ॥१॥

मदुगु माया कयंकल वँ ।

जि आ मफुत लोमंके नँ ॥

पलापत्ति लुमना बैगु ।

पापीह्य हाकुचा वःगु मखु ॥२॥

सिमा-स्वाँमा वृन्दावनया ।

दनाच्चन अन इवाताँ इवाताँ ॥

झंगः पंछि व वनजन्तुत नँ ।

खवयाच्चन अन हाकुचा लुमंका ॥३॥

आला मजिल हे नुगःद्यो ।

जितःला जुल्लि दुःख उपो ॥

ज्वीमते खवार्थे नुगःनँ हाकुह्य ।

कयँवा छि जिगु बिरह दिकेत ॥४॥



न्यंकः भासँ

हे, कृष्ण, छिन्यंकः झासँ बांसुरिया धून ॥धु॥

साझोवनेगु ई जुल छिला मथ्यँनि ।

माँमाँ बाँबाँ हालाहल साचा द्वचापि ॥१॥

लँ-पु फुक्क खिउँयाच्वन छि हे मझागुलि ।

मन जिमि खिन्न जुल छि मखंगुलि ॥२॥

मुनाच्वन च्वनाच्वन फुक्क पासापि ।

पियाच्वन पियाच्वन छि झाइगु ई ॥३॥

ह्लिचकादिसँ ह्लिचकादिसँ जिमि मन छि ।

भक्तिभाव श्वीका मने च्वना दिसँ ह्लि ॥४॥

धाय्के मते पापी

हे राम, राम हे कृष्ण, कृष्ण !

धाय्गु मने दय्मा ॥

नुगले दुने नुगले पिने .

च्वंगु हाकः मदय्मा ॥धु॥

श्व जिमि पासा. व जिमि मिसा,

श्व जिमि मिजँ, व जिमि नाता,

धेगु फुक्क दैमखु थन ।

हरि हे छह्य जक दै ॥१॥

संसारे फुक्क ल्यनि मखु ह्लि ।

हरि नाम जक ल्यना च्वनि ॥

अपूर्व नाम अच्युत, केशव,

सदा स्थोरँ च्वनि ॥२॥

बुइगु हे सोत, सीगु हे बुइत ।

धाःगु फुक्कँ तोति ॥

देह शुद्ध याना मोक्षया लागि ।

वनेगु लँ-पु सीकि ॥३॥

उकँ काय्गु प्रभुया नामत ।

राम, कृष्ण जनार्दन ॥

थुकँ फुक्क मोक्ष जुइ ह्लि ।

मखुसा पापी धाय्के मालि ॥४॥



झाय्मते

रथें याकन कुहाँ झासँ ।

कृष्ण, कृष्ण झाय्मते कृष्ण । धु॥

ह्लाचाके मते थव रथ हानँ ।

तोतेमखु धात्थें थनँ ।

मन जिमिगु खवगु खँला ।

भवा जिमिके मदुला माया ॥१॥

लुमनाच्चनिगु रूप छिगु । नःसाँ द्योसाँ ह्लाचाबलें थजु ॥

मन दिक्क याये मते । छितः जिमिसँ तोते गथे ॥२॥

मागु जितिम छुँहे मखु ।

छि हे छह्य दःसा गागु ॥

मन जिमि खवेका^{दि}सँ ।

गथे झाय्गु धया दिसँ ? ॥३॥

म्वालला गोकुल गाँत ? अले जिपिं फुक्कनँ ॥

मथुरा-शहर छितः यलला ? जिपिं छु मयगु जुलला ? ॥४॥

थजु थजु सोसाँ थजु ।

धात्थें थनँ तोते मखु ॥

मनतया माया कयना ।

खवःगु हृदय^{दि}के मखु ? ॥५॥



कृपा तयाव्यु

सुंमदु सुंमदु लिधँसा जिगु ।

कृष्णजु जितः कृपा तयाव्यु ॥धु॥

हुनुहुनु च्यागु मि-प्वा ज्वना ।

पुकः वैगु जितः इवाइवा त्याना ॥

चुपिचाँ पावै लोंतँछ्या वै, ।

गथे चवने जि सह्याना ? ॥

(१)

सँ पुवैगु लुत्तु लुइगु ।

बाह्य भ्यभ्यलुक दानँ वैगु ॥

थरथरखाना ग्याना चवँसा, ।

खिपतँ चिना बःब स्वाइगु ॥

(२)

झंगःपँछित बोया वैगु ।

मिखाय् लाक्क क्वात्तुक्वाइगु ॥

स्यांगीथे जोगु सिमाहःत ।

हायावया जितः पात्तुपालिगु ॥

(३)

पित्यात धासा नचूँ नकीगु ।

पेचाल धासा क्वाःचिकं त्वंकीगु ॥

(६)

चिकुल धासा च्वापुगाले क्वफाइगु ।

तानोल धासा मिजः कयनीगु ॥

(४)

थजागु दुःख जिं गुलि फय्गु ? ।

सहयाना याये मफुगु ॥

ईजुल ह्लिला कृपा तय्गु ।

यम जंजाले हा...गुलि तय्गु ! ॥

(५)

==

==

==

स्वर्ग जुल

स्वर्ग जुल स्वर्ग जुल ।

कृष्ण थनँ स्वर्ग जुल ॥धु॥

जिमि नुगः ह्वांय् ह्वांय् खल ।

सहयाये मफुत ॥

जिपि जक तोता थन ।

गथे स्वर्ग झाया कृष्ण ! ॥

(१)

दनिला दनिला धैथें चवन ।

गनँ सःता हथें जुल ॥

तय्हे मफुत जिमि मन ।

गथे स्वर्ग झाया कृष्ण ! ॥

(२)

किपा छिगु न्होने वल ।

भाराभारा नुगः मिन ॥

न्होने दँहे झाइथें जुल ।

गथे स्वर्ग झाया कृष्ण ! ॥

(३)

छिगु दासी जिपि फुक्क ।

हानामरूपि थें हे जुल ॥

छु जक ज्वीगु ख, जिमि देह ! ॥

गथे स्वर्ग झाया कृष्ण ॥

(४)

म्वाय् हे मय्ल म्वाय्हे मय्ल ।

जिमि देह नँ त्याग जुल ॥

लुमंका छिगु पाद चरण ।

देह भष्म याय्गु जुल ॥

(५)



(६)

(७)

(८)

(१२)

सीना गुलि म्वाय्गु

सीनासीना म्वाय्मा कृष्ण ! ॥

दुगुहे मखुत धर्म थन ॥धु॥ ॥

कलिं थिल छिझाय्गुं स्वर्ग ।

मनूँ यात मखुगु कर्म ।

स्वेहे मनंगु न्यनेहे मनंगु ।

न्यने स्वये माल कृष्ण ! ॥

॥१॥

छिसँ विद्या थकूगु ज्ञान, ।

गनँ गनँ हे न्यने मन्त ॥

मखु मज्जुगु याना जुल ।

पापया कु क्ववुया जुल ॥

॥२॥

सुवास सुगन्ध फय् थन, ।

दहे मन्त गन वँ गन वँ ॥

बाग्मती-विष्णुमती ला, ।

पला तय्हे यैपुसे मच्चँ ॥

॥३॥

नेगु तोनेगु शुद्ध मजुल ।

भिगु थासे न्वनेहे मन्त ॥

रोग व्याधीं थियाहल ।

सनेमफुपिथेहे जुल ॥

(४)

भिगुखँला ल्हाय् हे मजिल ।

मखु खँ हे च्वेच्चे लात ॥

खगु यारिं गाले क्वब्वात ।

मखु यारिं च्वेच्चे जाल ॥

(५)

नर्कस्वया क्वन्हागु जुल ।

थजगु थासे च्वंच्वने माल ॥

उद्धार जिमित याये माल ।

थथे सीना गुलि च्वने कृष्ण ? ॥

(६)



दश अवतार स्तुति

हे परब्रह्म प्रभु, नमो नमो छितः जिगु । ॥धु ॥
न्याया रूप कया छिसँ, ह्वापांगु अवतार काल ।
शंख चक्र आदि ज्वनाँ, शंखासुर संहार यात ॥

(१)

काप्ले रूप कया छिसँ, न्यिगुगु अवतार काल ।
सुर व असुरया सहायजुया, मन्दराचल क्वबुया दिल ॥

(२)

बनेल रूप कया छिसँ, स्वंगुगु अवतार काल ।
हिरण्यक्ष बध यानाँ, वेद-पृथ्वी ह्लोना दिल ॥

(३)

बच्छि मनू व सिंह जुया, प्यंगुगु अवतार काल ।
हिरण्यकश्यपु दैत्य स्याना, प्रह्लाद उद्धार यात ॥

(४)

बागःचाहा ब्रह्म जुया, न्यागुगु अवतार काल ।
वलीयाके स्वपला फोना, त्रिभुवन व्याप्त जुल ॥

(५)

परशुराम धाय्का छिसँ खुगुगु अवतार काल ।
पाँ पाला माँ स्याना पितृ वचन सत्य यात ॥

(६)

(१५)

राम नाम धाय्का छिसँ, ह्यगुगु अवतार काल ।
झिप्यद वने वना, रावणादि संहार यात ॥

॥७॥

कृष्ण नाम धाय्का छिसँ च्यागुगु अवतार काल ।
मचा जुया यक्व हिता, कंश आदि वध यात ॥

॥८॥

बुद्ध नाम धाय्का छिसँ, गुंगुगु अवतार काल ।
नष्ट धर्म प्रकट जुल, साधुसन्त पालेयात ।

॥९॥

कल्कि नाम धाय्का छिसँ, झिगुगु अवतार काल ।
धर्म-पक्ष ल्यंकेतः स्लेच्छ दक्व ध्वंश यात ॥

॥१०॥

त्रिभुवन व्याप्त प्रभूँ, कागु अवतार झिगु ।
वर्णन याना च्वना ह्लि, सूर्यचन्द्रानन्द जि ॥


॥११॥

ॐ

ॐ

ॐ

(३)



चवमिया मेमेगु प्रकाशन

- (१) श्री कृष्ण भजन कीर्तन- १ नेपाली भाषा
- (२) श्री कृष्ण भजन कीर्तन- २ नेपाली भाषा
- (३) श्री कृष्ण भजन कीर्तन- ३ नेपाली भाषा
- (४) अभ्यर्थना- नेपाल भाषा
- (५) निवेदनम्- नेपाल भाषा

• • • • •

पिद्मंशु तिथी

। ने. सं. १११५ फागु पुहि